



Broj: 14-11-210/22
Vogošća, 24.02.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), Općinski načelnik dana 24.02.2022. godine donio je

**ODLUKU
O IZBORU NAJPOVOLJNIJEG PONUĐAČA ZA PRUŽANJE USLUGE ŠTAMPANJA
OBRAZACA ZA POTREBE OPĆINE VOGOŠĆA**

Član 1.

Ponuda ponuđača Grafički obrt "Remix" Visoko, vl. Rezaković Mirsad, ulica Uvorići broj: 66. Visoko, odabrana je za pružanje usluge štampanja obrazaca za potrebe Općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 7.600,00 KM bez uračunatog PDV-a, odnosno 8.892,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 28.01.2022. godine donio Odluku o pokretanju Otvorenog postupka nabavke usluge štampanja obrazaca za potrebe Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 28.01.2022. godine pod brojem: 1353-1-2-3-3-41/22.

Sažetak Obavještenja o nabavci objavljen je u "Službenom glasniku BiH" broj: 5/22 od 04.02.2022. godine.

Tendersku dokumentaciju sa Portala javnih nabavki BiH je preuzelo 14 (četnaest) ponuđača. Krajnji rok za dostavu ponuda bio je 15.02.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 15.02.2022. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 14-11-210/22 iz januara 2022. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM bez PDV-a
1	"R&S" d.o.o. Sarajevo	8.497,10	/	9.941,61
2	Grafički obrt "Remix" Visoko	8.791,00	/	10.285,47
3	"Svjetlost-BH print" d.o.o. Sarajevo	8.488,70	/	9.931,78

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "R&S" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 7.4.1. TD je zahtjevano da su ponuđači u posljednje 3 (tri) godine računajući od dana podnošenja ponude, kao pružaoci usluga uspješno realizovali minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 4.200,00 KM bez uračunatog PDV-a ili više pojedinačnih ugovora u ukupnom zbiru od 4.200,00 KM bez uračunatog PDV-a.

Tačkom 7.4.2. TD kao dokazi su propisani spisak izvršenih ugovora u ukupnom iznosu od 4.200,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Predmet nabavke je jasno definisan odredbama TD broj: 14-11-210/22 iz januara 2022. godine kao pružanje usluge štampanja obrazaca za potrebe Općine Vogošća.

Ponuđač "R&S" d.o.o. Sarajevo je u svojoj Ponudi (strana 16. Ponude) dostavio Spisak izvršenih ugovora od 14.02.2022. godine.

Sve stavke navedene u dostavljenom Spisku izvršenih ugovora odnose se na ugovore o nabavci robe (kancelarijskog materijala, tonera i fotokopirnog papira).

Također, na strani 17. Ponude dostavljena je Potvrda o uredno izvršenom ugovoru broj: 04-1-11-4-1060 od 16.02.2021. godine, izdata od Ministarstva unutrašnjih poslova Kantona Sarajevo, kojom se potvrđuje da je ponuđač "R&S" d.o.o. Sarajevo uspješno realizovao sukcesivnu nabavku kancelarijskog materijala za potrebe Ministarstva unutrašnjih poslova Kantona Sarajevo, broj ugovora: 01-14-4-9000-4/19 od 31.12.2019. godine.

Na osnovu dostavljenog, Komisija za javne nabavke smatra da ponuđač "R&S" d.o.o. Sarajevo nije postupio po jasno postavljenim zahtjevima ugovornog organa iz TD, obzirom da je predmet nabavke definisan kao pružanje usluge štampanja obrazaca za potrebe Općine Vogošća, a što je precizno naznačeno u TD kao i u Obavještenju o nabavci broj: 1353-1-2-3-3-41/22 od 28.01.2022. godine u dijelu II 1 i II 4.

Svi dokazi u Ponudi ponuđača "R&S" d.o.o. Sarajevo odnose se na nabavku roba a ne usluga, kako je to zahtjevano odredbama TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- Grafički obrt "Remix" Visoko i
- "Svjetlost-BH print" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Tenderskom dokumentacijom-tačkom 9.4. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 23.02.2022. godine u 14:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 23.02.2022. godine, Komisija za javne nabavke je sačinila sljedeću Rang listu u Otvorenom postupku nabavke usluge štampanja obrazaca za potrebe Općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	Grafički obrt "Remix" Visoko	7.600,00	8.892,00
2	"Svjetlost-BH print" d.o.o. Sarajevo	7.700,00	9.009,00

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača Grafički obrt "Remix" Visoko, za pružanje usluge štampanja obrazaca za potrebe Općine Vogošća, kao prvoplasiranom na Rang listi, sa ponuđenom ukupnom cijenom u iznosu od 7.600,00 KM bez uračunatog PDV-a, odnosno 8.892,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Melisa Kršo



Dostavljeno:

1. "R&S" d.o.o. Sarajevo
2. Grafički obrt "Remix" Visoko
3. "Svjetlost-BH print" d.o.o. Sarajevo
4. Nadležnoj Službi
5. U dosije
6. a/a

033/476-390
remixstamparija@gmail.com
033/226-679



OPĆINSKI NAČELNIK

Edin Smajić